

بِسْمِ اللَّهِ الرَّحْمَنِ الرَّحِيمِ



Khutba Jummah

Hazrat Khalifatullah Muir. A. Azim (atba)

22 Mai 2020

28 Ramadhan 1441 AH

Après ki li fine salué tous so bane disciples (et tous bane Musulmans) entier le monde avec le *Salaam* - la Salutation de paix dans l'Islam - Hazrat Khalifatullah (atba) fine lire Tashahhud, Ta'uz, Surah Al Fatiha, et ensuite li fine axé so Khutba lors:

Départ de Ramadhan & La Création de L'Homme

Bane règlements ki gouverne le jeûne [Roza] zot fine clairement être défini. Bizin applique zot avec grand précaution et respect dans le cadre ki fine prescrire. Tous bane tendances ki au-delà de bane limites prescrit bizin obligatoirement décourage et délaisse sa.

En fait, le vrai but de Roza, so signification, ainsi ki l'esprit ki anime li bizin domine le cœur au cours de sa mois sacré là. Dans deux ou trois jours, nous invité spéciale pou quitte nous pou aller. Pour bane croyants, sa c'est bane moments bien tristes parski nous invité spécial pou quitte nous avec beaucoup chagrin et tristesse. Bane ki fine profite sa mois béni là en entier zot bien chanceux, parski personne pas conner si pas l'année prochaine commié parmi nous pou accueillir sa mois béni là encore ene fois.

Dans sa mois de Ramadhan là, la plupart de bane croyants fine profite énormément de sa bane bénédictions là en mettant en pratique tous bane *Ibaadat* ki fine prescrire par nous Créateur. Donc mois Ramadhan li ene période

d'entraînement intense pour les onze mois à venir (*Insha-Allah*). Nous sense de l'odora [nous capacité pou senti ene kitchose avec nous néné], nous la vue, nous la langue, nous l'esprit, tous fine soumette à ene contrôle bien stricte. Bane ki pas ti pé prier cinq fois pé faire li astaire. Bane ki pas ti pé lever dans dernier partie de la nuit pour faire Namaz [Tahajjud et aussi Fajr], fine apprane faire li. Sa discipline ki fine pratiqué pendant ene mois en entier fine servi de modèle pour les onze mois à venir.

Allah (twa) fine dire: « *Ô Mo bane vrais serviteurs, eski Nous pas fine donne zot ene compréhension parfait ki fine permette zot pou accompli bane grands sacrifices ki ti pou capave probablement brize le dos d'ene dimoune moyen; mais zot, zot fine porte sa fardeau là par amour pour Moi ?* » Pareil couma fine dire dans sa verset là: « **Mais l'homme fine entreprendre pou porte sa fardeau là.** » (Al-Ahzab 33 : 73)

Premièrement ou bizin comprend ki Allah fine trace ou l'avenir (*tadbir*) pou tout l'éternité. Ou bizin conné en effet ki Allah ti avec ou avant ki ou ti avec ou-même. Et Li fine faire sa dans même manière ki Li fine trace ou destinée avant même ki ou exister et afin ki ou capave agir vis-à-vis Li d'après ou propre volonté [d'après le Libre Arbitre ki Li fine donne ou], mais selman Allah pas arrête gouverne sa volonté là [kot Li guide ou – l'homme, le croyant – vers meilleure décision ki pou profite li] après ki Li fine mette ou en existence. Alors ou bizin [maintenant] être vis-à-vis de Li couma ou ti été avant ki ou jouir de l'existence!

Li pou être vis-à-vis de ou couma Li ti été au moment de ou conception. Considère également ki à tous bane stades de ou l'évolution, ou pris en charge dans le plan divin [d'Allah]. Allah fine occupe pou produire ou et faire ou exister, et fine pré-établi ou destin depuis le jour même kot Li fine détermine la mesure de tous bane êtres, kan Li fine demande zot : « **Eski Mo pas zot Seigneur?** » Et zot fine réponde: « **Oui, nous témoigner** ».

Premier marque de bienveillance envers ou c'est ki Allah fine révèle Li à ou de façon à ce ki ou conne Li, et Li fine manifesté Li à ou de façon à ce ki ou contempler Li. Li fine donne ou la parole (Li fine faire ou conne causer), Li fine inspire ou pou être reconnaissant envers So souveraineté (*bi-Rubuubiyyatih*), et ou fine aussitôt proclame So l'unicité.

Ensuite Li fine faire ene goutte dépose dans les reins [de ou géniteur/ papa]. Dès sa moment là, Li fine prend ou en charge, kot Li protège ou et aussi sa ventre ki fine destiner pou porte ou là. Li fine faire So l'aide arrive à ou par l'intermédiaire de l'ensemble de ou bane ascendants (bane ki fine saryé ou), ou bane ancêtres males depuis ou papa Adam. Ensuite Li fine projette ou dans matrice de ou maman, kot Li mette ene soin tout particulier pou faire de sa champ de la matrice là ene récipient naturel kot ou fine destiner pou grandi et Li fine préserve sa lieu là kot Li fine destiner pou donne ou la vie.

Li fine uni bane semences [de ou papa et maman] ki fine vine ensam [rentre en composition] pour faire ou exister, en vertu de sa sagesse divine ki oulé ki l'existence entier li fonder lors le secret de la dualité. De sa semence là, Li fine alors tire ene embryon (*'alaqa*) ki prêt pou évoluer conformément à So volonté, et Allah Li très certainement exalté kot Li faire ou vine ene fétus (*mudgha*) kot Li fine imprime ou forme. Li fine bâtir l'édifice corporel [de ou les corps] et Li fine insuffler là-dans So l'Esprit.

Dans matrice de ou maman, Li fine accorde ou, ou subsistance avant même ki ou confronté à l'existence, kot Li conserve ou pendant tous le temps ki nécessaire pour ki bane membres [de ou les corps] fortifier et ki bane éléments ki compose ou zot unir solidement les z'uns aux autres.

Coumsa même Li prépare ou à sa manifestation [présent] là, kot ou recevoir tout saki fine destiner de bon ou de mauvais pou ou. Parski si Li fine manifesté ou dans sa le monde ici-bas là, c'est pour ki Li révèle Li à ou en vertu de So grâce et de So justice. Mais kan Li fine précipite ou lors la terre, Allah (twa) conner ki ou pas pou capave absorbe bane aliments solides, parski ou pas ena les dents pou craze zot : c'est pourquoi Li fine faire monter dans la poitrine de ou maman ene aliment ki pas pou blesse en aucaine façon ou la bouche... Dans le cœur de ou maman, Li fine place ene miséricorde ki stimule la montée de sa di lait là: sak fois ki sa di lait là risquer arrêter, la miséricorde faire li à nouveau jaillir de so poitrine. Li fine ensuite charge ou bane parents pou veille lors ou bane l'intérêts avec affection et compassion. En vrai dire, sa affection et compassion là, c'est bien la compassion d'Allah même ki Li donne à l'ensemble de So bane serviteurs sous la forme de zot papa et maman, et à travers quoi Li faire ou conne l'Amour [ki Li ena pou ou]!

En réalité, c'est So souveraineté même ki apporte la plénitude, et c'est So divinité ki prend réellement soin de ou (kot Li élever ou). Allah fine ensuite contraindre ou papa pou assure ou l'éducation (pou occupe li de ou) jusqu'à la puberté, par bienveillance pou ou. Li pas fine impose aucaine obligation religieux lors ou avant ki ou atteindre la maturité intellectuel (c'est-à-dire, au moment de la puberté). Jusqu'à l'âge adulte, Li pas fine arrête accorde ou So grâce et So bane faveurs; [et Li pou accorde ou encore et encore] jusqu'à la vieillesse, puis [après la mort] kan ou pou présente devant Li pou rende ou compte, Li pou préserve ou de punition, puis kan Li pou amène ou dans le lieu ki ou pou rester, kot alors Li pou enlève ou voile et pou mette ou en présence de So bane bien-aimés: En vérité, bane ki ena la crainte d'Allah zot dans bane jardins et parmi bane fleuves, dans ene place ki zot sincérité fine faire zot gagner, auprès d'ene lé Roi puissant.

Pour lequel de So bane bienfaits eski ou bizin remercier Li [le plus], et pou laquelle de So bane faveurs eski ou bizin mentionner [avant les autres]? Médite sa parole là: Quelle que soit la faveur ki ou jouir, li vine d'Allah; et ou pou comprend ki ou pas pou capave en aucaine façon échappe à la faveur divine et ki ni So grâce ni So bane dons pas pou oublier ou.

Donc, si ou fine bien comprend saki mo fine fek expliquer, ou pou comprend ki Ramadhan c'est le mois kot ou fine prend ene bain spirituelle et fine vine pure couma ene bébé. C'est ene mois sacré dans la mesure kot Allah Li-même fine promette à bane ki garde Roza avec sincérité, ki faire de zot mieux pour obtenir le plaisir d'Allah, ki cherche l'aide Divine à travers la prière et bonne conduite ki Li pou Celui ki pou accorde zot la récompense, et sa récompense là, li pas ene l'autre ki Allah Li-même. Zot fine non seulement évite manger et boire pendant bane z'heures prescrits, mais zot fine aussi abstenir zot de la colère, de la médisance (*Ghibbat*) et de toutes sortes d'obscénités.

Non seulement bane discussions inutiles zot déconseillés et mais aussi pou trop causer parski tout sa là empêche ou pou dirige tout ou l'attention lors le Rappel (*Zikr*) d'Allah et So bane attributs.

Dans mo message lors Youtube ki mo fine faire réssamment, mo fine réfute ene Mullah ki fine prend lors li-même pou donne bane *fatwa* lors la peine de mort. Ramadhan fine passer couma dilo lors brède songe pour li parski li pas fine conne saisir de so bane bienfaits pour reforme li. Dans li rode salir moi, ainsi ki mo bane

suivants, li fine salir l'honneur et l'intégrité de Hazrat Mirza Ghulam Ahmad (as) en tant ki Revivificateur de la foi, et le Messenger d'Allah de so l'époque.

Li et tous bane ki pense couma li oublier ki bane opposants de l'Ahmadiyyat fine servi zot de Hazrat Massih Maoud (as) so bane propres paroles [écrits] pour humilier li, kot zot traite li de *Kafir*. Zot fine dire ki d'après bane propres *fatwas* de Mirza Ghulam Ahmad Qadiani, li fine définir li-même couma ene *Kafir (Nawzobillah)*. Sa bane opposants là fine traite li de menteur et de fou et zot fine dire ki li ene fausse prophète ki fine vini avec bane fausses révélations. Bane là fine même accuse li ki li ene agent anglais, ki fine servi li de la protection de bane anglais afin pou répanne so bane fausses doctrines. Ene certain Abdul Ghaffour Khan, leader de Jamaat-e-Islami et membre de l'Assemblée de Pakistan fine dire : « *Le gouvernement étranger fine accorde li tous bane facilités pour propage so imposture et en particulier dans bane colonies britanniques.* » Et alors zot fine pose zot même la question : Vu ki ena beaucoup bane Ahmadis dans l'Angleterre, de même ki zot Khalifa, alors li vrai alors ki sa déclaration là li vrai parski bane Ahmadis cherche protection de bane soldats anglais et non pas protection Allah ? *[Nawzobillah]*

De plus, sa Mullah [Ahmadi] là, ainsi ki tous bane ki supporte li oublier ki Parlement Pakistanais ti passe à l'unanimité le 07 Septembre 1974 ene résolution d'après quoi li qualifié tous bane groupes « *Qadianis* » de non-musulmans, *[Qadianis]* ene terme ki zot donne à tous bane musulmans Ahmadi.

Bane Ahmadis azordi jours oublier la souffrance de bane premiers Ahmadis, zot oublier ki nous bane Masjids, nous bane frères, sœurs et zenfants Ahmadis ti assassinés à cause de zot la foi. Li défanne pou donne *Azaan*, défanne pou ena ene Masjid et pou faire *Salaat* (Namaz). Défanne pou récite le *Shahada* (**Laa Ilaaha Illallah Muhammadur Rassoolullah**) et zot efface sa *Shahada* là de nous bane Masjids et tombes, et sa continuer même de nos jours.

Ô bane Ahmadis, tout sa faire nous la peine, pas vrai ? Eski sa pas rentre dans zot l'esprit ene tiguitte ki l'histoire pé répété dans sa nouvo siècle là avec l'avènement d'ene nouveau Messie ?

Pense bien ki avec la peste ki fine ravage Punjab, y compris Qadian, bane anti-Ahmadis ti applaudi malheurs de bane Ahmadis et fine célébré en déclarant ki ene

de bane membres de la caze du Messie Promis fine mort par la peste. Et zot fine même dire ki « Mirza » fine Li-même mort avec la peste. [Nawzobillah]. Eski zot pou répète bane mauvais actions de bane Mullahs lontan, et ki même bane Mullahs de nos jours pé continuer martyrise bane musulmans Ahmadis de par le monde ? Réfléchi impé [même beaucoup même] et reforme zot bane conduites avant ki li trop tard.

Ramadhan fine vini, et pou très bientôt quitte nous. Rattrape-zot, repentir sincèrement à Allah. Allah Li en vérité Miséricordieux et Pardonneur.

Donc, bane ki fine garde ene disciple extraordinaire pour le plaisir d'Allah, alors ki sa discipline ki fine pratiqué pendant sa mois sacré là servi de modèle pour les onze mois à venir ! *Insha-Allah*.

Après ki zot fine porte [saryé] sa fardeau là, Allah (swt) fine donne zot – donne nous – la récompense d'ene Eid.

Mais bane ki pou jouir li c'est seulement bane ki fine comprend so vrai philosophie. Contentement ki nous senti li plus profonde ki celui nous senti kan nous mette bane linges neufs. En vérité, bane linges ena ene certains rapport avec le Eid. Mais sa Eid ki nous pé attane là li pas dépanne de bane vêtements.

Anou mazine bane pauvres ki pas pou capave ena les moyens pou mette bane bons linges. Eski Quran Shareef pas dire nous : « **Vêtement de la piété c'est sa-même ki meilleur ?** » (Al-Arraf 7: 27)

Nous faire *duahs*, nous tous ensemble afin ki Allah accepter tous nous bane sacrifices dans sa mois sacré de Roza là, et accorde nous ene la vie remplie de So plaisir et de So Satisfaction, et ki Allah pardonne tous nous bane excès et ouvert pou nous la porte de So Salut, *Insha-Allah. Ameen*.